

欽定四庫全書

晉濟方卷七

運氣圖

日錄



明周王朱橚

撰



甲子圖

乙丑圖

丙寅圖

丁卯圖

戊辰圖

巳巳圖

庚午圖

辛未圖

壬申圖

癸酉圖

中戌圖

乙亥圖

丙子圖

丁丑圖

戊寅圖

巳卯圖

庚辰圖

辛巳圖

壬午圖

癸未圖

甲申圖

乙酉圖

丙戌圖

丁亥圖

戊子圖

巳丑圖

庚寅圖

辛卯圖


壬辰圖

癸巳圖

欽定四庫全書

晉濟方

甲子歲圖



少陰君火司天陽明燥金在泉中見火宮土運歲土太過
 氣化運行先天天地之氣上見左間少陰右間厥陰故天
 政布其氣明下見陽明左間太陰右間少陽故地氣肅
 而其令切交司之氣寒交暑天地之氣熱加燥雲馳雨
 府濕化乃行時雨乃降金火合德上應熒惑太白其穀
 丹白火寒熱持於氣交而為病始熱病生於上清病生
 於下寒熱互作而爭於中民病欬喘血溢血泄嘔嚏目
 赤背瘍寒厥入胃心痛腰痛腹大噎乾腫上乃歲化之

普濟方

常候其氣至與不至然後可名其病是歲火為天氣金為地氣火能勝金天氣盈地氣虛然中見土運天氣生運運生地氣三氣相得地氣雖虛邪勝亦微天氣既盈化源為實當於年前大寒初先取化源使之適平取化源者平火氣也歲宜食白丹之穀以全真氣食間氣之穀以辟虛邪以甘緩之而調其上甚則以苦發之以酸收之而安其下甚則以苦泄之運同地氣當以溫熱化歲半之前天氣少陰主之少陰之化本熱而標陰當是時

本標之化應寒熱相半無或偏勝者天政之平地或為熱所勝沸熱火行其政民病胸中煩熱噎乾右胫滿皮膚痛寒熱欬喘大雨且至唾血血泄軌衄嘔弱色變甚則瘡瘍肘腫肩背膈及缺盆中痛心痛肺膜腹大滿膨膨而喘欬病本於肺診其尺澤脈絕者死不治其法平以鹹寒佐以苦甘以酸收之歲半之後地氣陽明主之其化不從標本而從乎太陰之中氣當其時溼濕兼行而無偏勝者陽明之化也或燥卧濕所勝霜則霧清

瞑民病喜嘔嘔有苦善大息心脅痛不能反側甚則噓乾面塵身無膏澤足外反熱其法治以苦溫佐以甘平以苦下之運土大過是謂熟阜之紀雨濕流行腎水受邪民病腹痛厥逆意不樂體重煩寃甚則肌肉萎足痿不收行善瘕脚下痛飲即中滿食減四肢不舉變生得位藏氣伏化氣獨治之泉涌河衍涸澤生魚風雨大至土潰鱗見於陸病腹滿滄泄腸鳴下甚而太谿絕者死不治其治宜以苦熱所謂歲寒之藥食宜也初之氣始

於癸亥歲十二月中氣大寒日寅初終於來年二月中氣春分日子初凡六十日八十七刻半主位太角水客氣太陽水中見太宮充之風寒濕三氣奉少陰之政而行春令地氣遷燥將去寒乃始蟄復藏水乃冰霜復降風乃至陽氣鬱民反周密關節禁固腰膝痛炎暑將起中外瘡瘍且治太陽之客以甘補之以鹹瀉之以苦堅之以辛潤之開發腠理致津液通氣也食丹穀以全真氣食稷以辟虛邪雖有寒邪不能為害二之氣自春分


日子正至小滿日戌正凡六十日有奇主位少徵火客氣厥陰木同德中見土運以奉少陰行舒榮之化時令至此陽氣布風乃行春氣以正萬物應榮寒氣時至民乃和其病淋目瞑赤氣鬱於上而熱宜治厥陰之客以辛補之以酸瀉之以甘緩之食丹穀以全真氣食稻以辟虛邪雖有風邪不能為害三之氣自小滿日亥初至大暑日酉初凡六十日有奇主位少徵火客氣少陰火中見土運天政之所布是時令至此大火行庶類蕃鮮

寒氣時至民病氣厥心痛寒熱更作欬喘目赤宜治少陰之客以鹹補之以甘瀉之以酸收之食丹穀以全真氣食豆以辟虛邪雖有邪熱不能為害四之氣自大暑日酉正至秋分日未正凡六十日有奇主位太宮土客氣太陰土運與氣同名為司氣溽暑至大雨時行寒熱互作民病寒熱噎乾黃痺勩衄飲發宜治太陰之客以甘補之以苦瀉之以甘緩之食白穀以全真氣食麻以辟虛邪雖有濕邪不能為害五之氣自秋分日申初至小

雪日午初凡六十日有奇主位少商金客氣少陽火中見土運客火運事畏火臨暑反至陽乃化物乃生榮民乃康其病溫宜治少陽之客以酸補之以苦瀉之以甘緩之食白穀以全真氣食豆以辟虛邪雖有火邪不能為害終之氣自小雪日午正至大雪日辰正凡六十日有奇主位大羽水客氣陽明金中見土運土能生金金能生水三氣相得而行順化燥令之行餘火內格民病腫於上欬喘甚則血溢寒氣數舉則民多寒病生皮腠

內合於脅下連小腹而作寒中宜治陽明之客以酸補之以辛瀉之以苦堅之食白穀以全真氣食黍以辟虛邪雖有燥邪不能為害然初氣終三氣天氣主之勝之常也四氣盡終地氣主之復之常也若歲首之前司天少陰之氣勝者必有太陽之復若在泉陽明之氣勝者必有少陽之復其復皆在歲半之後觀其氣勝之早晚以驗復氣之遲速各以勝復之法治之有勝則復無勝則已

乙丑歲圖



太陰濕土司天太陽寒水在泉中見少商金運歲運不
 及運化運行後天上見太陰左間少陽右間少陰故地
 氣上騰陰專其政而其政肅下見太陽左間厥陰右間
 陽明故天氣下降陽氣退辟而其令寂大風時起原野
 昏霧白埃四起雲奔南極寒雨數至寒濕合德黃黑埃
 昏流行氣交上應鎮星辰星其穀元間穀命太角者物
 成於差夏有餘宜高不及宜下有餘宜晚不及宜早土
 之利氣之化民氣亦後之故陰凝於上寒積於下寒水

勝火則有冰雹陽光不治穀氣乃行民病寒濕腹滿身
臍憤肘腫痞逆寒厥拘急是歲土為天氣水為地氣土
能勝水天氣盈地氣虛然中見金運天氣生運運生地
氣三氣相得而行順化邪氣亦為司天之氣為有餘天
氣之盈當取化源之實者平土氣也歲宜食齡元之穀
以全其真實間氣之穀以保其精以苦熱治其上以甘
熱治其下以酸和調其中所以燥之溫之甚則發之泄
之不發不泄則濕氣外溢內潰皮折而水血交流必贊

其陽火令禦甚寒少商之運與寒化同宜以熱化此藥
食宜也然太陰司天之氣標既同其化從本其氣常主
歲半之前當其時雨以時至者天政之和而為雨化若
濕淫所勝即沈陰且布雨變枯槁民病肘腫骨痛陰痺
陰痺者按之不得腰脊頭項痛時弦大便難陰氣不用
飢不欲食欬唾有則多血心如懸病本於腎診其足太谿
脈絕者死不治其治法平以苦熱佐以酸辛以苦燥之
以淡瀉之歲半之後地氣太陰主之其化從本從標當

足之時寒溫適中者本標之化皆應也若寒淫於內則凝肅慘慄民病少腹控擇引腰脊上衝心痛血見噬痛領腫其法治以甘熱佐以苦辛以鹹瀉之以辛潤之以苦堅之金運不及是謂從革之紀其運涼熱寒夏有光顯鬱蒸之令則冬有嚴凝整肅之應若夏有炎爍燔燎之變則秋有冰雹霜雪之復火氣勝則炎火乃行民病肩背脊重孰嚏血便主下收氣乃後寒氣復則寒雨暴至民病陰厥且格陽反上行頭腦戶痛延及顛項發熱

口瘡甚則心痛初氣始於甲子年大寒日巳初終於乙丑年春分日卯初凡六十日八十七刻半主位太角木客氣厥陰木中見金運風清同化上奉太陰而行春令時令至此地氣遷寒乃去春氣正風乃來生布萬物以榮民氣條舒風濕相薄雨乃後民病血溢筋絡拘強關節不利身重筋痿宜治厥陰之客以辛補之以酸瀉之以甘緩之食粳穀以全真氣食稻以保其精雖有風化莫能為邪二之氣凡六十日有奇主位少徵火客氣少


陰火中見金運歲金四及以少徵同又遇火當其位君
火之氣務以德化故大火正物承化民乃和其病溫厲
火至遠近咸若濕蒸相搏雨乃時降法當治少陰之客
以鹹補之以甘瀉之以酸收之食粳穀以全真氣食豆
以保其精雖有火化莫能為邪三之氣自小滿日寅初
至大暑時子初凡六十日有奇主位少徵火客氣太陰
土中見金運天政布雨乃時降寒乃隨之民病身重肘
腫胸腹滿宜治太陰之客以甘補之以苦瀉之以甘緩

之食粳穀以全其真食麻以保其精雖有濕邪莫能為
害四之氣自大暑日子正至秋分日戌正凡六十日有
奇主位大宮土客氣少陽火中見金運地氣始騰天氣
否隔氣寒風晚暮蒸熱相持草木凝煙民病腠理熱血
暴溢瘡心腹滿熱臚脹甚則肘腫宜治少陽之客以鹹
補之以苦瀉之以甘緩之食元穀以全其真食豆以補
其精雖有所邪莫能為害五之氣自秋分日亥初至小
雪日酉初凡六十日有奇主位少商金客氣陽明金中

見金運金居金位與歲運同歲之司氣也是為素化金氣至此秋氣治慘令已行寒露下霜乃早降草木黃落寒氣及體民病皮勝君子所居宜以周密其法宜治陽明之客以酸補之以辛瀉之以苦泄之食元穀以全其真食黍以保其精雖有司氣之涼莫能為邪是氣也藥食無犯司氣之涼終之氣自小雪日酉正至大寒日未正凡六十日有奇主位太羽水客氣太陽水中見金運水居水位與金相得以行順化冬乃正故寒大舉濕大

化霜乃精陰乃凝水堅冰陽光不治民感於寒則病關節禁固腰膈痛寒濕持於氣交而為疾病其法宜治太陽之客以苦補之以鹹瀉之以苦堅之以辛潤之食元穀以全其真食稷以保其精雖有寒化莫能為邪是氣之勝復各候其至若太陰氣勝厥陰必復之太陽勝氣之太陰必復之其勝常在歲半之前其復常在歲半之後有勝則復無勝則否

丙寅歲圖



少陽相火司天厥陰及風木在泉中見太羽水運歲水
 太過氣化運行先天相火在上左間陽明右間太陰故
 天氣正而其政嚴厥陰在下左間少陰右間太陽故地
 氣擾而其令撓風乃暴舉木偃沙飛炎火乃流陰行陽
 化雨乃時應火木同德上應熒惑歲星其穀丹蒼風熱
 慘布雲霧沸騰太陰橫流寒乃時至涼雨並起民病塞
 中外發瘡瘍內為瀉漏聖人遇之和而不爭往復之作
 民病寒熱瘧瀉聾瞑嘔吐上怫腫色變是歲陽為天氣

陰為地氣天氣盈地氣虛當取火之化源然水運在中
火氣自抑不必取也唯宜抑其運水則暴過不生苛疾
不起歲宜以鹹寒調上以辛溫調下以鹹溫調中滲之
瀉之清之發之觀氣寒溫以調其過運異風熱少用寒
化食宜同法歲半之前相火主之相火之康其化從本
火淫所勝則溫氣流行金政不平民病頭痛發熱惡寒
而瘧熱上皮膚痛色變黃赤傳而為水身面胗腫腹滿
仰息瀉注赤白瘡瘍欬唾血煩心胸中熱甚則衄衄病

本於肺診在手天府之脈其法平以鹹冷佐以苦甘以
酸收之以苦發之以酸復之歲半之後厥陰主之厥陰
之氣不從標本而從乎少陽之中氣當其時風從火化
二氣得中其化和也若風淫於內地氣不明平野昧草
乃早秀民病灑灑振寒善伸數欠心痛肢滿兩脇裏急
飲食不下膈咽不通食則嘔腹脹善噫得食與氣抑然
如噎身體皆重其法宜治以辛涼佐以苦寒以甘緩之
以辛散之氣交之中水運統之太過之水紀曰流衍寒

氣流行邪害心火民病身熱煩心燥悸陰厥上下中寒
譫妄心痛寒氣早至上應星甚則腹大脰腫喘欬寢汗
出憎風大雨至埃霜朦鬱齋土化也診在手神門之脈
其法調以鹹溫初之氣自乙丑年大寒日申初至是歲
春分日午初凡六十日八十七刻半主位太角木客氣
少陰火中見水運木火相加以奉司天少陽而行春令
地氣遷風勝乃搖寒乃去候乃大溫草木早榮寒來不
殺溫病乃起其病氣復於上血溢目赤欬逆頭痛血傷


脇滿膚腠中瘡其法宜治少陰之客以鹹補之以甘瀉
之以酸收之歲穀宜丹間穀宜豆二之氣自春分日午
正至小滿日辰正凡六十日有奇主位少徵火客氣太
陰土中見水運火土相加上見少陽火反鬱白埃四起
雲趨雨府風不勝濕雨乃零民乃康其病熱鬱於上欬
逆嘔吐瘡發於中胸噎不利頭痛若昏潰膿瘡其法宜
治太陰之客以甘補之以苦瀉之以甘緩之宜丹間歲穀
宜麻三之氣自小滿日巳初至大暑日卯初凡六十日

有奇主位太徵火客氣少陽火中見火運火居火位下
氣乃正大政布炎暑至少陽臨上雨乃涯民病熱中聾
瞑血噎膿瘡咳嘔孰衄嚏欠候卑日得善暴死生法其
法宜治少陽之客以酸收之以甘瀉之以鹹煖之歲穀
宜丹間穀宜豆四之氣自大暑日卯正至秋分日丑正
凡六十日有奇主位太宮土客氣陽明金中見水運吐
金水相得其鬼神秋氣正就乃至炎暑間化白露降民
氣和平生病滿身重宜治陽明之客以酸補之以辛瀉

之以苦泄之歲穀宜蒼間穀宜黍五之氣自秋分日寅
初至小雪日子初凡六十日有奇主位少商金客氣太
陽水中見水運水金相得又氣與運同歲之司氣是為
元化時令至此陽乃去寒來雨乃降氣門遷閉剛木早
凋民避寒邪君子周密其法宜治太陽之客以苦補之
以鹹瀉之以苦堅之以辛潤之歲穀宜蒼間穀宜稷是
氣也司氣既寒慎無犯寒所謂用寒遠寒也終之氣自
小雪日子正至大寒日戌正凡六十日有奇主位太羽

水客氣厥陰木中見水運水當其位與木相得以行順
 化地氣正風乃至萬物及生霜霧以行其病關閉不禁
 心痛陽氣不藏而咳其法宜治厥陰之客以辛補之以
 酸瀉之以甘緩之歲穀蒼間穀宜稻此六氣之大常也
 歲氣火木同德其氣專其化淳勝氣自微不必紀其後

丁卯歲圖



陽明燥金司天少陰君火在泉中見少角木運歲運不及氣化運行後天木運臨卯是謂歲會氣之平也平氣之歲化運行同天命曰敷何之紀木德周行陽舒陰布五化宜平其氣端其性隨其用曲直其化生榮其正發散其候溫和其令風其數草木其應春有穀麻其果李其實核其蟲毛其畜犬其色蒼其味酸其音角其數八其物中堅其在人也其臟肝其主目其養筋其病裏急肢滿此歲之化也天地之氣上見陽明左間太陽右間

少陰故天氣急而其政切下見少陰左間太陽右間厥陰故地氣明而其令暴陽專其令炎暑盛行物燥以堅淳風乃治風燥橫運流於氣交多陽少陰雲趨雨府濕化乃敷燥極而澤清先而硬毛蟲乃死熱後而暴介蟲乃殃金火合德上應太白熒惑其穀白丹間穀命大徵者其耗白甲品羽蟄蟲出見流水不冰清熱之氣持於氣交民病欬嗑塞寒熱發暴振標癘悶然陽明燥金在上少陰君火在下火能勝金天氣虛地氣盈天氣不足

當資化源以助金象運木既平天氣上商與正商同不
必資也歲宜食白丹之穀以安其氣食間氣之穀以去
其邪以苦小溫調上以鹹寒調下辛和調中汗之清之
運同熱氣宜多天地初之氣自丙寅歲大寒日亥初終
於是年春分日酉初凡六十日八十七刻半主位少角
木客氣太陰土中見木運風濕相遇上應司天陽明以
行春令地氣遷陰始凝氣始肅水始冰寒化雨民病中
熱脹面目浮腫善眠歔衄嚏欠嘔小便黃赤甚則淋然


是歲木運統之又臨木位風木得位其氣和年濕化乃
微其病亦少宜調太陰之客以甘補之以苦瀉之以甘
煖之食白穀以安其氣食麻以去其邪雖有濕化不能
為邪二之氣自春分日酉正至小滿日未正凡六十日
有奇主位太徵火客氣少陰火中見木運木火相得上
應陽明陽乃布民乃舒物乃生榮厲大至民善暴也是
歲天氣歲運皆平厲疾自微宜調少陽之客以鹹補之
以苦瀉之以甘緩之食白穀以安其氣食豆以去其邪

雖有火化不能為邪三之氣自小滿日申初至大暑日
午初凡六十日有奇主位太徵火客氣陽明金中見木
運天政布涼行燥熱交合燥極而澤民病寒熱宜調陽
明之客以酸補之以辛瀉之以苦泄之食白穀以安其
氣食黍以去其邪雖有燥化不能為邪四之氣自大暑
日午正至秋分日辰正凡六十日有奇主位少宮土客
氣太陽水中見金運寒雨降民病暴不振標譎妄少氣
嗑乾引飲及為心痛癰腫瘡瘍瘧寒之疾骨委血便宜

調太陽之客以苦補之以鹹瀉之以苦堅之以辛潤之
食丹穀以安其氣食稷以去其邪雖有寒化不能為邪
五之氣自秋分日巳初至小雪日卯初凡六十日有奇
主位太商金客氣厥陰木中見木運木運與厥陰相符
是謂司氣名曰蒼化時令至此春令反行草乃生榮民
氣和自無疾病然調厥陰之客宜以辛補之以酸瀉之
以甘緩之歲穀宜丹間穀宜稷雖有風化不能為邪是
歲司氣以溫用溫無犯所謂用溫遠溫也終之氣自小

雪日卯正至大寒日丑正凡六十日有奇主位少羽水
 客氣少陰火中見木運水能生木木能生火而行順化
 當陽氣布候反溫蟄蟲來見流水不冰民乃康平其病
 溫宜調少陰之客以甘補之以鹹瀉之以酸收之食丹
 穀以安其氣食豆以去其邪雖有熱化不能為邪是歲
 重遇平氣四時之氣皆得化政令之施而能淫邪勝復
 之變民乃和而物乃舒平之至也

戊辰歲辰圖



太陽寒水司天太陰濕土在泉中見太徵火運歲火太過
氣化運行先天上見太陽左間厥陰右間陽明故天政
所布其氣肅下見太陰左間少陽右間少陰故地氣靜
而其令徐寒令大虛寒政大舉陽氣不令澤無陽燄則
火發待時少陽中治時雨乃涯止極雨散還於太陰雲
朝北極溫化乃布澤流萬物寒敷於上雷動於寒濕之
氣特與氣交水土合德上應星辰鎮心有穀元齡民病
寒濕發肌肉萎足痿不收濡瀉血溢是歲水為天氣土

為地氣土勝水天氣虛畜於年前九月先資化源以助
水化扶其不勝歲宜以苦濕調上以甘溫調下以甘和
調中燥之溫之無使暴過而生疾病食元齡之穀以全
其真避寒濕虛邪以安其正運異寒濕宜燥濕化此治
之常也歲半之前太陽主之其化從本從標而標陽即
寒熱得中其氣乃和若寒濕所勝則寒氣反至且水血
變於中發為癰瘍民病厥心痛嘔血血泄衄血善悲時
眩仆運大炎烈雨雹乃暴胸腹滿手熱肘攣掖腫心澹

澹大動胸脇胃腕不安面赤目黃善噫嗑乾甚則色焯
渴而欲飲病本乎心診其神門脈絕者死不治其法平
以辛熱佐以甘苦以鹹瀉之太陰之化從本其令濕今
司歲半之後又火運統之其氣相得濕燥兼行則其氣
和若濕於內即埃昏巖谷黃反見黑至陰知交民病飲
積心痛耳聾渾渾焯焯腫喉痺陰病血見小腹痛腫不
得小便病衝頭痛目似脫項似拔腰似折髀不可以動
胸如結膈如折其法治以苦熱佐以酸淡以苦燥之以

淡泄之歲火太過炎暑流行金肺受邪民病瘧少氣欬
喘血溢血泄主下嗑燥耳聾中熱肩背熱甚則胸中痛
脇肢滿脇痛膺背肩胛肩痛兩臂內身熱骨痛而為浸
淫收氣不行長氣獨明雨水霜寒上見太陽名為上雨
故赫曦之紀曰上雨與正微同其收齊其病瘥天氣形
運歲運既鬱則火發待時其治宜發之經所謂火發之
也初之氣自丁卯年大寒日寅正至是歲春分日子初
凡六十日八十七刻半主位少角木客氣少陽火中見

火運歲之司氣名曰丹化地氣乃大溫草乃早榮民乃厲溫病乃作身熱頭痛嘔吐肌腠瘡瘍宜治少陽之客以鹹補之以苦瀉之以甘緩之歲穀宜元間穀宜豆是氣也用熱無犯以司氣熱故也所謂運熱遠熱者如此二之氣自春分日子正至小滿日戌正凡六十日有竒主位太徵火客氣陽明金火運統之火雖當位而陽明之清與天氣寒水相得故大涼反至民乃慘草乃遇寒火氣歲抑民病氣鬱中滿寒乃始宜治陽明之客以酸

補之以辛瀉之以苦泄之歲穀宜元間穀宜黍三之氣自小滿日亥初至大暑日酉初凡六十日有竒主位太徵火客氣太陽水中見火運火當其位天政布寒氣行雨乃降民病寒反熱中癰疽注下心熱瞋悶不治者死宜治太陽之客以甘補之以鹹瀉之以苦堅之以辛潤之歲穀宜元間穀宜稷四之氣自大暑日酉正至秋分日未正凡六十日有竒主位少宮土客氣厥陰木中見火運風濕交爭風化為雨乃長乃化乃成民病大熱少

氣肌肉萎足痿注下赤白宜治厥陰之客以辛補之以酸瀉之以甘緩之歲穀宜齡間穀宜稷五之氣自秋分日申初至小雪日午初凡六十日有奇主位太商金客氣少陰火中見火運氣與運同而君火不司氣化所謂居氣為灼化也時令至此陽復化草乃長乃化乃成民乃舒宜調少陰之客以鹹補之以苦瀉之以酸收之歲穀宜齡間穀宜豆終之氣自小雪日午正至大寒日辰正凡六十日有奇主位少羽水客氣太陰土中見火運

土居水位地氣正濕令行陰凝大虛埃昏效野民慘悽寒風以至疾者孕乃死宜治太陰之客以甘補之以苦瀉之以甘緩之歲穀宜齡間穀宜麻此治六氣之常也歲半之前有勝氣者歲半之後必有復氣水勝則太陰必復土勝則厥陰必復其治各依其勝復之法

己 己 歲 圖



厥陰風木司天少陽相火在泉中見少宮土運歲土不
 及氣化運行後天卑監之紀上角與正角同諸同正歲
 氣化運行同天風行於上左間少陰右間太陽天氣擾
 而其政撓火行於下左間陽明右間太陰地氣正而其
 令速風生高遠炎熱從之雲趨雨府濕化乃行火風同
 德上應歲星熒惑歲穀蒼丹間穀宜太商之穀其耗文
 角品羽風燥火熱勝復更作熱病行於下風病行於上
 風燥勝復形於中運同正角不資化源惟贊其運氣無

使邪勝歲宜以辛涼調上以鹹寒調下以甘和調中歲半之前天氣厥陰主之厥陰所至為風府風淫所勝太虛埃昏雲霧以擾寒生春氣流水不冰民病胃脘當心而痛上肢兩脇膈咽不通飲食不下舌本強食則嘔冷泄腹脹溇泄癢水閉蟄蟲不去病本於脾診其足衝陽脈絕者死不治其法平以辛涼佐以苦甘以甘緩之以酸瀉之歲半之後地氣少陽主之少陽所至為炎暑火淫於內則發明郊野寒熱更至民病注泄赤白小腹痛

溺赤甚則便血其法宜治以鹹冷佐以苦辛以酸收之以苦發之土不及曰卑監之紀是謂減化化氣不令生政獨彰長氣整雨乃愆收氣平風寒並興草木榮美秀而不實成而糝也風化盛行四維有埃雲潤澤之化則春有鳴條鼓折之政若四維發振粒飄騰之變則秋有肅殺霖靈之復飄揚而甚民病飡泄癰亂體重腹痛筋骨繇併肌肉潤酸善怒藏氣舉事蟄蟲早附咸病咸中復則收政巖峻名木蒼凋胸脇暴痛不引少觴善大強

蟲食甘黃氣客於脾穀乃減民病食少失味蒼穀乃損是歲上臨厥陰木氣傷脾民病飧泄治以甘和調歲運也初之氣自戊辰年大寒日巳初至是歲春分日卯初凡六十日八十七刻半主位少角木客氣陽明氣土運統之以奉厥陰之政而行春令金土交司清化行寒始肅殺氣方至民病寒於右之下其法宜治陽明之客以酸補之以辛瀉之以苦泄之歲穀宜蒼間穀宜黍則燥邪無害二之氣自春分日卯正至小滿日丑正凡六


十日有奇主位太徵火客氣太陽水中見土運濕寒合德以行舒榮之化寒不去華雪水冰殺氣施化霜乃降名草上焦寒雨數至陽復化民病熱於中其法宜治太陽之客以苦補之以鹹瀉之以苦堅之以辛潤之歲穀宜蒼間穀宜稷則寒邪無害三之氣自小滿日寅初至大暑日子初凡六十日有奇主位太徵火客氣厥陰木中見土運木火同德土運統之土化不及風化兼行天政所布風乃時舉民病泣出耳鳴掉眩其法宜治厥陰

之客以辛補之以酸瀉之以甘緩之歲穀宜蒼間穀宜稷則風邪無害四之氣自大暑日子正至秋分日戌正凡六十日有奇主位少宮土客氣少陰火中見土運土居其位上臨少陰溽暑至濕熱相搏爭於左之上民病黃痺而為胛腫宜治少陰之客以鹹補之以甘緩之以酸收之歲穀宜丹間穀宜豆則熱邪無害五之氣自秋分日亥初至小雪日酉初凡六十日有奇主位太商金客氣太陰土中見土運氣與運同司氣為齡化燥濕更

勝沈陰乃布寒氣及體風雨乃行宜治太陰之客以甘補之以苦瀉之以甘緩之歲穀宜丹間穀宜麻則濕邪無害是氣以涼用涼無犯所謂用涼遠涼也終之氣自小雪日酉正至大寒日未正凡六十日有奇主位少羽水客氣少陽火中見土運火土相得畏火司令陽乃大化蟄蟲出見流水不冰地氣大發草乃生人乃舒其病溫厲法宜治少陽之客以鹹補之以苦瀉之以甘緩之歲穀宜丹間穀宜豆則火邪無害治之常也歲寒大法

風勝則有陽明之復火勝則有太陽之復其治各以勝復之法

庚午年歲圖



欽定四庫全書

普濟方

二十九

少陰君火司天陽明燥金在泉中見太商金運歲金太過氣化運行先天堅成之紀曰上徵與正商同又經言太商下加陽太過不如同天符蓋天符為執法平金之化也命曰審平之紀收而不爭殺而無犯五化宣明其氣潔其性剛其用散落其化堅凝其政嚴肅其候清切其令燥其類金其應秋其穀稷其果桃其實燥其蟲介其畜雞其物外堅其色白其味辛其音商其數九其在人也在藏為肺在竅為鼻在體為皮毛在病為咳此歲

運為主也天地之氣上見少陰左間太陰右間厥陰是以天政所布其氣明下見陽明左間太陽右間少陽是以地氣肅而其令切二歲交司之氣以寒交暑是歲天地之氣以熱加燥雲馳雨府濕化乃行時雨乃化金火合德上應熒惑太白其穀丹白水火寒熱持於氣交而為病始熱病生於上清病生於下寒熱爭於中民病欬喘血溢血泄欬嚏目赤背瘍寒厥入胃心痛腰痛腹大噎乾腫上歲半之前天氣少陰君火主之少陰有本標

之化寒熱得中則其氣和歲半之後地氣陽明燥金主之陽明不從標本而以中氣為化燥濕相半則其化平是歲平金而無勝復不取化陽唯化歲勝折其鬱氣無使暴過而生其病調其上以酸溫安其下以辛溫調其中以寒鹹歲宜食白丹之穀以全真氣食間氣之穀以辟虛邪運同地氣化宜多用溫熱司氣以涼用涼遠涼此其道也初之氣自己巳年大寒日申初至是歲春分日午初凡六十日八十七刻半主位少角木客氣太陽


水中見金運氣寒燥三氣奉少陰之政以行春令地氣遷燥將去寒乃始蟄復藏水乃冰霜復降風乃至陽氣鬱民反周密關節禁固腰膝痛炎暑將起中外瘡瘍此太陽之客也法宜以甘補之以鹹瀉之以苦堅之以辛潤之歲穀宜丹間穀宜稷乃無寒邪之害二之氣自春分日午正至小滿日辰正凡六十日有奇主位太徵火客氣厥陰木中見金運風火燥同奉少陰之政以行舒榮之化木火相得陽氣布風乃行春氣以正萬物應榮

寒氣時至民乃和其病淋目瞑目赤氣鬱於上而厥熱此陰之客也法宜以辛散之以甘緩之歲穀宜丹間穀宜稷乃無風邪之害三之氣自小滿日巳初至大暑日卯初凡六十日有奇主位太徵火客氣少陰火中見金運天政之所布也火居火位大火行庶類蕃鮮寒氣時至民病氣厥心痛寒熱更作咳喘目赤宜治少陰之客以鹹補之以甘瀉之以酸收之歲穀宜丹間穀宜豆乃無熱邪之害四之氣自大暑日卯正至秋分日丑正凡

六十日有奇主位少宮土客氣太陰土中見金運土得其位與金相合奉陽明之令而行順化溽暑至大雨時行寒熱互至民病寒熱噉乾黃痺勩血飲發此太陰之客也法宜以甘補之以苦瀉之以甘緩之歲穀宜白間穀宜麻乃無濕邪之害五之氣自秋分日寅初至小雪日子初凡六十日有奇主位太商金客氣少陽火中見金運歲金雖得位而客氣少陽用事畏火臨暑反至陽乃化萬物乃生木乃長榮民乃康其病溫宜調少陽之

客以鹹補之以苦瀉之以甘緩之歲穀宜白間穀宜豆
 乃無火邪之害終之氣自小雪日子正至大寒日戌正
 凡六十日有奇主位少羽水客氣陽明金中見金運金
 氣相符與水相得而為平氣亦歲之司氣故燥令行餘
 火內格民病腫於上欬喘甚則血溢寒氣數舉則民慘
 悽病生皮腠內舍於脇下連小腹而作寒宜治陽明之
 客以酸補之以辛瀉之以苦泄之歲穀宜白間穀宜稷
 乃無燥邪之害是氣也司氣以涼用涼無犯是謂治也

辛 未 歲 圖



太陰濕土司天太陽寒水在泉中見少羽水運歲水不及氣化運行後天涸流之紀曰上宮與正宮同是歲天氣平又少羽下加太陽不及而加同歲會凡歲會為行今此運化亦平也諸同正歲氣化運行同天歲運既平命曰靜順之紀藏而勿害治而善下五化寒整其氣明其性下其用沃衍其化凝堅其政流演其候凝肅其令寒其類水其應冬其穀豆其果栗其實濡其蟲鱗其畜彘其色黑其味鹹其音羽其數六其在人也其臟為腎

其主二陰其養骨髓其病厥此歲運之主也天地之氣上見太陰左間少陰右間少陽故地氣上騰而其政肅下見太陽左間厥陰右間陽明故天氣下降而其令寂陰專其政陽氣退辟大風時起原野昏霧白埃四起雲奔南極寒雨數至物成於差夏濕寒合德黃黑埃昏流行氣交上應鎮星辰星其穀齡元故陰凝於上寒積於下寒水傍火則為冰電陽光不治穀氣乃行民病寒濕腹滿身臃憤肘腫痞逆寒厥拘急故有餘宜高不及宜

下有餘宜晚不及宜早土之利氣之化也民氣亦從之
間穀宜太徵太商之穀歲氣既平不取化源惟析其水
鬱之氣不使邪勝食齡元之穀以全其真食間氣之穀
以保其精歲宜以苦熱調上以苦寒調下以苦和調中
燥之溫之歲半之前天氣太陰主之太陰所至為雲雨
其化從本當其時多行雨濕化者太陰之政也歲半之
後地氣太陽主之太陽所至為寒霧其化從標當其時
寒氣至而熱氣應者地氣之平也初之氣自庚午歲大

寒日亥初至是年春分日酉初凡六十日八十七刻半
主位少角木客氣厥陰木中見水運木當其位水運充
之奉太陰之政而行春令地氣遷寒乃去春氣正風乃
來生布萬物以榮民氣條舒風濕相搏雨乃後民病血
溢筋絡拘強關節不利身重筋痿宜治厥陰之客以辛
補之以酸瀉之以甘緩之歲穀用齡間穀用稷乃無客
風之害二之氣自春分日酉正至小滿日未正凡六十
日有奇主位太徵火客氣少陰火中見水運奉太陰之

政以行舒榮之化火正物承化民乃和其病温厲盛行
遠近咸若濕蒸相搏雨乃時降宜治少陰之客以鹹補
之以苦瀉之以酸收之歲穀用藪間穀用豆乃無客熱
之害三之氣自小滿日申初至大暑日午初凡六十日
有奇主位太徵火客氣太陰土中見水運天政所布濕
氣降地氣騰雨乃時降寒乃隨之感於寒濕民病身重
肘腫胷腹滿宜治太陰之客以甘補之以苦瀉之以甘
緩之歲穀用藪間穀用麻乃無濕邪之害四之氣自大

暑日午正至秋分日辰正凡六十日有奇主位少宮土
客氣少陽火中見水運火土相得奉太陽之令畏火臨
溽蒸化地氣騰天氣否隔寒風曉暮蒸熱相持草木凝
烟濕化不流則白露陰布以成秋令民病腠理熱血暴
溢瘧心腹滿熱膨脹甚則肘腫宜治少陽之客以鹹補
之以苦瀉之以甘緩之歲穀用元間穀用稷乃無熱邪
之害五之氣自秋分日巳初至小雪日卯初凡六十日
有奇主位太商金客氣陽明金中見水運慘令已行寒

露下霜乃早降草木黃落寒氣及體君子周密民病皮
腠宜治陽明之客以酸補之以辛瀉之以苦泄之歲穀
用元間穀用黍乃無客燥之害終之氣自小雪日卯正
至大寒日丑正凡六十日有奇主位少羽水客氣太陽
水中見木運寒大舉濕大化霜乃積陰乃凝水乃堅冰
陽光不治感於寒則病人關節禁固腰膝痛寒濕持於
氣交而為疾也宜治太陽之客以苦補之以鹹瀉之以
苦堅之以辛潤之歲穀用元間穀用稷乃無客寒之害

是歲行平氣之化歲會為行令行淫氣勝復惟行德化
政令然土為天氣水為地氣水土雖睦而運化不及濕
土在上天氣形之或有濕邪害人其氣亦微內經所謂
中行令者其病徐而持也

壬申歲圖



少陽相火司天厥陰風木在泉中見太角木運歲木太過氣化運行先天太角下加厥陰太過而加同天符為執法平木之化也命曰敷和之紀木德周行陽舒陰布五化宣平其氣端其性隨其用曲直其化生榮其政發散其候溫和其類草木其物中堅其應春其穀麻其果李其實核其蟲毛其畜犬其色蒼其味酸其音角其數八其在人也其臟肝其主目其養筋其病裏急肢滿此歲運所主也天地之氣上見少陽左間陽明右間太陰

故天氣正而其政嚴下見厥陰左間少陰右間太陽故地氣擾而其令撓風乃暴舉木偃沙飛炎火乃流陰行陽化雨乃時應火木同德上應熒惑歲星其穀丹蒼風熱慘布雲霧沸騰太陰橫流寒乃至涼雨並起民病寒中外發瘡瘍內為泄滿聖人遇之和而不爭往復之作民病寒熱瘧泄聾瞑嘔吐上怫腫色變歲半之前天氣少陽主之少陽所至為炎暑其化從本當其時火化盛行風氣之候乃和歲半之後地氣厥陰主之厥陰所至

為風府其化不從標本而以中氣為化當其時風從火化者厥陰之中也是歲運化既平不取化源惟贊所不勝則暴過不生苛疾不起歲宜以鹹寒調上以辛涼調下以酸和調中滲之泄之清之發之運同風熱宜多寒化司寒以溫用溫遠溫治之常也初之氣自辛未年大寒日寅初至是歲春分日子初凡六十日八十七刻半主位太角木客氣少陰火中見木運木火相得運當其位以奉少陽之政而行春令地氣遷風勝乃搖寒乃去


候乃大溫草木早榮寒來不殺溫病乃起其病氣怫於上血溢目赤咳逆頭痛血傷脇滿膚腠中瘡宜治少陰之客以鹹補之以甘緩之以酸收之歲穀宜丹間穀宜豆則熱不為邪二之氣自春分日子正至小滿日戌正凡六十日有奇主位少徵火客氣太陰土中見水運風濕之氣奉畏火之政以得舒榮之化火反鬱白埃四起雲趨雨府風不勝濕雨乃零民乃康其病熱鬱於上咳逆嘔吐瘡發於中胃噎不利頭疼身熱昏憤膿瘡宜治

太陰之客以甘補之以苦瀉之以甘緩之歲穀宜丹間穀宜麻則濕不為邪三之氣自小滿日亥初至大暑日酉初凡六十日有奇主位少徵火客氣少陽火中見水運火當其位與木運之氣相得天政布炎暑至少陽臨上雨乃涯民病熱中聾瞑血溢膿瘡欬嘔衄血渴噤欠喉痺目赤善暴死宜治少陰之客以鹹補之以苦瀉之以甘緩之歲穀宜丹間穀宜豆則火不為邪是歲木氣適平不至橫暴四之氣自大暑日酉正至秋分日未正

凡六十日有奇主位太宮土客氣陽明金中見木運涼
乃至炎暑間化白露降民氣和平其病腹滿身重宜治
陽明之間以酸補之以辛瀉之以苦泄之歲穀宜蒼間
穀宜黍則燥不為邪五之氣自秋分日申初至小雪日
午初凡六十日有奇主位少商金客氣太陽水中見木
運陽乃去寒乃來雨乃降風門乃閉剛木早凋民辟寒
邪君子周密宜治太陽之客以苦補之以鹹瀉之以苦
堅之以辛潤之歲穀宜蒼間穀宜稷則不為邪終之氣

自小雪日午正至大寒日辰正凡六十日有奇主位太
羽水客氣厥陰木中見木運太角下加厥陰之時運與
氣符其化和平又居水位水木相得其化乃順地氣正
風乃至萬物發生順正以行其病關閉不禁心痛陽氣
不藏而欬氣有所承不能無侮所謂邪中執法也經曰
邪中執法者其病速而危宜治厥陰之客以辛補之以
酸瀉之以甘緩之歲穀宜蒼間穀宜稷則風不為邪此
一氣以溫用溫無犯足謂至治

癸酉歲圖



陽明燥金司天少陰君火在泉中見少徵火運歲火不及
 及氣化運行後天伏明之紀曰上商與正商同言天氣
 平也六元正紀曰少徵下加少陰不及而加同歲會言
 歲運平地諸同正歲氣化運行同天上見天氣平下見
 運火平火氣既平命曰升明之紀正陽而治德施周普
 五化均衡其氣高其性速其用燔灼其化蕃茂其政明
 曜其候炎暑其類火其應夏其穀麥其果杏其實絡其
 蟲羽其畜馬其色赤其味苦其物詠其音徵其數七其

在人也其臟心其主舌其養血其病潤瘵非歲運所主也天地之氣上見陽明左間太陽右間少陽故天氣急而其政切下見少陰左間太陰右間厥陰故地氣明而其令暴陽專其令炎暑盛行物燥以堅淳風乃至風燥橫流於氣交多陽少陰雲趨雨府濕化乃敷燥極而澤其穀白丹間穀命太者其耗白甲品羽金火合德上應太白熒惑清熱之氣持於氣交民病欬溢塞寒熱發暴振標癘悶清先而硬毛蟲乃死熱後而暴介蟲乃殃歲

運之化熱氣雨勝復同所謂邪氣化日也燥化四熱化二所謂正氣化日也歲半之前天氣陽明主之陽明以中氣為化其當燥熱相半者陽明得中也歲半之後地氣少陰主之少陰有本標之化當其時未熱得中者少陽之氣和也歲火傷平不資化源惟安運氣無使受邪歲宜以苦小溫調上以鹹寒調下以鹹溫調中食白丹之穀以安其氣食間氣之穀以去其邪運同熱氣宜多火化治之常也初之氣自壬申年大寒日巳初至是歲

春分日卯初凡六十日八十七刻半主位太角木客氣太陰土中見火運風濕之氣同陽明之政而行春令地氣遷陰始凝氣始肅水乃冰寒雨化其病中熱脹面目浮腫善眠歎衄嚏欠嘔小便黃赤甚則淋宜治太陰之客以甘補之以苦瀉之以甘緩之歲穀宜白間穀宜麻乃無濕邪之害二之氣自春分日卯正至小滿日丑正凡六十日有奇主位少徵火客氣少陽火中見火運三火相符以行舒榮之化陽乃布民乃舒物乃生榮厲大

至民善暴死是歲火氣平厲雖至民亦無害宜治少陽之客以鹹補之以苦瀉之以甘緩之歲穀用白間穀用豆乃無火邪之害是氣也司氣以熱用熱無犯三之氣自小滿日寅初至大暑日子初凡六十日有奇主位少徵火客氣陽明金中見火運金居火位天政布涼乃行燥熱交加燥極而澤民病寒熱宜治陽明之客以酸補之以辛瀉之以苦泄之歲穀用白間穀用黍乃無燥邪之害四之氣自大暑日子正至秋分日戌正凡六十日

有奇主位太宮土客氣太陽水中見火運寒熱之氣以
 奉少陰之令寒雨降民病暴不振標譫妄少氣噎乾引
 飲及為心痛癰腫瘡瘍瘧寒之疾骨痿血便宜治太陽
 之客以苦補之以鹹瀉之以苦堅之以辛潤之歲穀用
 丹間穀用稷乃無寒邪之害五之氣自秋分日亥初至
 小雪日酉初凡六十日有奇主位少商金客氣厥陰木
 中見火運春令反行草乃生榮民氣和宜調厥陰之客
 以辛補之以酸瀉之以甘緩之歲穀用丹間穀用稷自

無風邪之害終之氣自小雪日酉正至大寒日未正凡
 六十日有奇主位太羽水客氣少陰火中見火運少徵
 與少陰相和火氣符會而發揚令陽氣布候乃溫蟄蟲
 乃見流水不冰民氣康平其病溫宜治少陰之客以鹹
 補之以甘瀉之以酸收之歲穀用丹間穀用豆乃無熱邪
 之害是歲氣運適平若有邪氣則中行令中行令者其
 病徐而退也